

SIUNNERSUUT

KOMMUNIMUT PILERSAARUMMUT TAPILIUSSAQ

Nuummi illut eriaginartut pillugit periusissaq

1A3, 1A6, 1A7, 1A11, 1C12, 1C14, 1C15, 1D2, 1D3

Aggusti 2018



KOMMUNEQARFIK **SERMERSOOQ**

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamutsanaartukkanullu tunngasunik aalajangersagartallimmik taamaalilluni sukulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartallimmikkommunimut pilersaarummut tapiliussaliussalluni:

- Nuna tamakkerlugu pilersaarusiornernerup kommunillu pilersaarusiornertapiviusunngortinnissaanut qulakkeerinnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniitnunaminertamik atugassiinginnermi.
- Sanaartukkanik anginerusunik pingaaruteqarnerusunilluunniit ingutserilinginnermi.

Kommunimut pilersaarummut tapiliusseq marlunnik imikkoortortaqarpoq, **nassuiaatitaa** aamma **aalajangersagartaa**.

- **Nassuiaammi** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq nassuiarneqarput.
- **Aalajangersagartaa** aalajangersakkanik pilersaarummik piviusunngortitsinnermi malinnaatitsissutigineqartussanik imaqarpoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq.

Tamanut nalunaarut

Kommunimut pilersaarummut tapiliusseq inaarutaasumik akuerineqannginnerani kommunalbestyrelsip tapiliussassatut siunnersuut tamanut nalunaarutigissavaa, taamaalillutik innuttaasut soqutiginnittullu allat pilersaaruttip imarisaanik paasiniaasinnaatillugit immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatum kingorna pilersaaruttip inaarutaasumik akuersissutigineqannginnerani Kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Illut eriagintartut pillugit Kommunimut pilersaarummut tapiliusseq una piffissami 29 agusti 2018-imiit – 24 oktobari 2018-ip tungaanut tusarniutigineqassaaq. Oqaaseqaatit kingusinnerpaamik 24 oktobari 2018-imi uunga nassiuunneqassapput:

Plan@Sermersooq.gl

Imaluunniit uunga:

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmu Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI

1	NASSUIAAT	4
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	7
1.4	PILERSAARUMMI PINGAARNERIT	10
1.5	PILERSAARUMMUT ALLAMUT SANILLIULLUGU INISSISIMANERA	11
2	AALAJANGERSAKKAT	16
3	AKUERSINERMUT UPPERNARSAAT	21

1 NASSUIAAT

1.1 PILERSAARUSIORFIK

Illoqarfiup assinga Nuuk, Nuup qeqertaasaani immikkoortut ilaannut arlalinnut siammarsimavoq, illoqarfimmi illut eqqissisitat eriaginartullu tamaaniillutik. Illoqarfiup nutaartaani suli illut eriaginartutut nalilerneqanngillat.

Pilersaarusiorfiusoq immikkoortut ilaannut makkununga siammarsimavoq:

- 1A3
- 1A6
- 1A7
- 1A11
- 1C12
- 1C14
- 1C15
- 1D2
- 1D3



Fig 1: Pilersaarusiorfiusoq



Fig 2: Nuutoqaaq/ Kolonihavnen illoqarfiullu pisoqartaa Tuapannguit illorsuit tunuaniittut ilanngullugit.

1.2 SIUNERTAA TUNNGAVIILU

Kommunimut pilersaarummut tapiliussaq manna Nuummi illunut eriajinartunut periusissamik oqaasertaliiffiussaaq. Kommunimut pilersaarummut tapiliussaq illoqarfiup assinga Nuuk tunngavigalugu suliarineqarpoq, taannaammat illoqarfimmi illut allanngutsaaliukkat eriajisariallillu pillugit sukumiisumik nassuiaateqarneq allaaserisaqarnerlu. Illoqarfiup assinga Nuuk tassaavoq Kommuneqarfik Sermersuumi kulturikkut takussutissat siullersaat, kisianni atlasimut tassunga assingusumik Paamiut Tasiilarlu pillugit suliaqartoqarnissaa pilersaarutigineqarpoq.

Nuup illoqarfittut assiliorneragut innuttaasut politikerillu illoqarfiup piorsarsimassutsikkut oqaluttuassartaa, avatangiisimi naleqartitat aammalu illoqarfiup illuliortaatsikkut aaqqissuussaanera ilusilersorneralu pillugit oqallinnissamut tunngaviliisuussaaq. Taannalu eqqarsaatissiisuussaaq Nuummi sanaartornikkut nangitsinikkut ingerlateqqitassat sorliit ilisarnaataassanersut aamma qanoq iliorluta ingerlateqqinnissaat pitsaanerpaamik qularnaassaneripput.

Inissiat nalunaajaasuupput sioqqulluta inooriaasiusimasunut takussutissat, ullumikkullu inuiaqatigiittut ilusilersorneqarsimanitsinnut ersersitsisuusut. Taamaattumik illut kingornussavut inuit ataatsimoorussinissamik misigissusaannut, nunap oqaluttuarisaaneranik paasinninnissaannut taamaasillutillu kinaassutsitsinnik attaveqarnitsinnullu misigisimanissamut pingaaruteqarput. Taamaattumik illut kingornussat naleqartitatsinnik ingerlateqqitassatsinnik ataatsimoorluta paasinninnissatsinnut siunissamilu piorsagassatsinnut ilapittuutaassapput.

Illoqarfiup assinga Nuuk suliarineqarnerani illoqarfimmi illut allangutsaaliukkat eriaginartullu tamarmik misissorneqarput nalunaarsorneqarlutillu, taamaasilluni illut maannakut qanoq innerinik takussutissaqartinneqarniassammata. Nalunaarsuinerpassuit tunngavigalugit illoqarfimmi illut kingornussat maannakut qanoq innerinik ataatsimoortumik takussutissaqalerpoq. Tassa maannakut qanoq innerinik takussutissaq tunngavigalugu ataatsimoortumillu kulturikkut kingornussat illut kingornussat timitaliullugit periusissamut pilersaarummullu oqaasertaliinissaq qulakkeersinnaanngorparput. Periusissami tassani illoqarfimmi illunik kingornussanik eriaginninnissamik misigisaqarnissamullu suliniuteqarnissamut nukittorsaataassaaq.

Periusissap qulaani taaneqartup ilaatut pilersaarutigineqarpoq ukiuni aggersuni illut eriaginartutut taaneqartarnerisa atorunnaarsinneqarnissaat. Tamanna pissaaq Nuummi illut eriaginartitat 74-it illoqarfiup oqaluttuassartaanut annertunerusumik pitsaanerusumillu ukkatarineqarnerunissaannut suliniarnissamut atatillugu. Piffissap ingerlanerani illut arlaqartut eriagisassatut nalilernerqarneri ima allangortinneqartartigisimapput, allaat oqaluttuarineqarnissaat naleerussimalluni. Taamaattumik Nuup Illoqarfiata Assingani nassuiaatigineqarnerisigut illut arlalissuit eriagisassanngortinneqarnissaannut nalilersueqqittoqartariaqarsorinarpoq.

Illoqarfiup assinga Nuuk ilanngullugu kommunimut pilersaarummut tapiliussaq maannakut atuuttoq illunik eriaginartunik suliarinninnermut sakkugineqassaaq – kommunimi suliamik ingerlatsinermi aammalu illunik piginnittut ataasiakkaat illuutiminnik aserfallatsaaliineranni.



Fig 3: Nuutoqaq/ Kolonihavnen Annaassisitta Oqaluffiata tungaanut isikkivik

Kommunimut pilersaarummut tapiliussami tunngaviit tassaapput:

- Nuummi illut sorliit allangutsaaliugaanersut eriagisassaanersullu aalajangersaaffigissallugu.

- Illoqarfiup assinga Nuuk atorlugu illut tamakku nalilittut imarisaat malinnaaffigineqarsinnaalissapput, taamaasillutillu pitsanngorsaalluni sulisoqassagaluarpat aamma/imaluunniit ilassuteqarfigineqassagaluarpata il.il. qulakkeerneqassallutik.
- Illuutit kulturimut tunngassuteqartut kingornussat aserfallatsaalineqarnissaanut atugassanik oqaasertalersuinissaq
- Sumiiffinnik illunillu eriaginartunik kommunip pitsaanerpaamik isumaginninnissaanut toqqammavissanik aalajangersaanissaq
- Illunik eriaginartumik suliaqarnermi tamanut atuuttunik malittarisassaliornissaq

1.3 PISSUTSIT ATUUTTUT

Pilersaarusionorsuq immikkoortunut assigiinngitsunut siammartiterpoq, ataatsimoorussaraalli Nuup illoqarfiata issittumi illoqarfiit pingaarnersanngoriartornerani tunngaviumik alloriarnermut siullermut takussutissat ilagimmassuk.



Fig 4: B-7 1747/ 48-meersoq 1D3-mi inissisimasoq..

Immikkoortuni 1C14 aamma 1D3 ilaatigullu 1D2-mi imaappoq, taakkuummata illoqarfinngortitsinermit aallarniutaaqqaartut. Tamaaniipput illut siullit, pingaartumillu 1C14-mi aamma aqqusineq illulioriaatsimilu ilusilersuinerit.



Fig 5: 1A3 – Typehusit type 491.

1A6, 1A3 aamma 1A11 ilisarnaatigaat assigiaartunik immikkuullarissumik soqutiginaatilinnik type 18-inik qimasunik illoqartiterna.

Sumiiffiup sinnerani illut mikinerusut amerlanerupput, soorlu typit 16 aamma 25. 1A11 sulisunut inissialiorfigineqarpoq typit 513 aamma 514 1A3 aamma sulisunut inissialiorfigineqarpoq, kisianni malunnartumik anginerusunik, tassa type 491-it, 167,5 m²-isut angissusillit kiileri ilanngullugu.



Fig 6: Immikkoortup 1A6-ip – ilisarnaatigaa illut mikisunnguit nuugissunik qaliillit tamaaniimmata



Fig 7: Immikkoortoq 1A7-ip – ilisarnaatigai nammineerluni illuliat tamaaniimmata

1A7 tassaavoq illoqarfimmi nammineerluni illuliorfigineqartut pisoqaanersaat, piffissalli ingerlanerani allannguuteqarsimavoq siullermik ilaqutariit ataatsit illui mikisuaqqat malunnarneroriarlutik, maannakkut anginerujussuarnik illuliorfigineqarluni amerlasuutigut takussaavallaartutut isikkoqarlutik, ilisarnaataanillu ingiaasimasutullusooq isikkoqalersitsilluni.

1C12 tassaavoq allaffiit, kulturilerinermut tunngasunik illunillu najugaqarfeqartoq, illut ilai eriajinartut tamaaniillutik. Kisianni immikkoortumi tamaani assigiinngitsorpassuarnik illoqarpoq - imaappoq illut taakku illuliortaatsikkut ataatsimoorussaqaqanngillat.



Fig 8: B-144 1906-imeersoq 1C15-imi inissisimasoq..

1C15 ilinniarfeqarfittut ilisimaneqarpoq, ilinniarnertuunngorniarfik seminarialu tamaaniipput. Ullumikkut illut arlallit taakkununga attuumassuteqartut illuliortaatsikkut assigiinngitsut tamaaniipput. Seminariap illutaasa kusanaqisut

eqqaanniittut, pingaartumik B-144 aamma B-148, illersorneqassapput taamaasillutik eriaginartunut ilanngunneqarlutik.

1.4 PILERSAARUMMI PINGAARNERIT

Kommunini pilersaarusiornermi eriagisassatut eqqarsaatigineqartussat isumagineqartarnerat pillugu Namminersorerullutik Oqartussat nalunaarutaat nr. 31, 30. oktober 1991-imeersumi aalajangersarneqarpoq:

§1 Nalunaarummi matumani maleruagassat malillugit kommunalbestyrelsip pisussaaffigaa peqataaffigissallugu kommunimi illoqarfinnik nunaqarfinnillu pilersaarusiornermi allaffissornikkullu aqutsinermi nuna tamakkerlugu allanngutsaaliuinissamik soqutigisat pingaartinneqarnissaat.

Imm 2 Kommunalbestyrelsip pisussaaffigaa isumannaassallugu nuna tamakkerlugu eriaginninnissamik soqutigisat kommunimi pilersaarusiornermut ilanngutissallugit, aamma kommunimi illoqarfimmi nunaqarfinnillu nunani eriagisariaqartuni allanngutsaaliuisussaannermik suliaqarnerup pingaartinneqarnissaa.

Illumik eriagisarialimmik sulineq

Illut eriaginartut pillugit sulineq kommunimit isumagineqartarpoq, eriaginartuutitsilernissamullu tunngasut kommunalbestyrelsip qulakkiigassarivaa, aammalu eriaginartutut nalunaarsorsimaannarnissaat isumagissallugu. Illut eriaginartut paasissutissarsiffigineqassapput illulioriaasitoqqanik, illuliortaatsinik aamma/imaluunniit kulturikkut oqaluttuarisaanermut tunngasunik, aammalu eriaginartutut toqqaanissamut illup silataata qanoq innera kisimi apeqqutaavoq.

Illumik eriaginartumik piginnittoq aserfallatsaalisussaataavoq, illup eriaginartutut naleqassusia attatiinnarneqartussanngorlugu.

Illut eriaginartut malittarisassatut pingaarnertut silatai iluarsartuunneqartassapput aserfallatsaalineqarlutillu qangatut isikkua atortorineqartullu naapertorlugit.

Tamatumani pineqarput silataani illup pisatai, soorlu igalaat, qalliutit, qalipaasersorneri ilaalu ilanngullugit. Matumani siunertarineqarpoq illut eriaginartut nalingisa attatiinnarneqarnissaat, taakkorpiaammatami illup immikkuullarissuunermigut eriaginartuuneranut ilapittuutaasut. Nunatta Katersugaasiviata illunik allanngutsaaliukkanik aserfallatsaaliisarneq pillugu ilitsersuutaanik isumassarsiorarnissaq innersuussutigineqarpoq.

Erseqqissaatigineqassaaq, illut allanngutsaaliukkat pillugit sukannernerusunik malittarisassaqaqarmat, kisianni ilitsersuutit pitsaasuupput, ataatsimoorluta illut kulturikkut kingornussatta eriaginissaannut aserfallatsaalisarnissaannut isumassarsiorfissatut.

Illut ilaterneri ilaalu ilanngullugit

Illut eriaginartut ilaterneqarsinnaapput allilerneqarsinnaallutillu.

Taamaattoqartillugu pingaartinneqarpoq, isikkoreqqaagaata ataqqineqarnissaa ersarissuunissaalu allanngortinnagit. Tamanna pisinnaavoq nutaaliaasumik ilassusiinikkut, piffissaq ilassusiiffiusoq nittarsaanniarlugu, taamaasillunilu illup sananeqaqqaarnermini ilusaanut ersarissumik allaanerussuteqassalluni. (fig 9 innersuussutigalugu).



Fig 9: B-559 Ilasatut assersuutissaqqippoq qanga illuliaasimasumit immikkuullarissuugami, aammalu illulortaatsimut tunngatillugu piffissamut naleqquttuulluni.



Fig 10: B-692 Ilasatut assersuutissaqqippoq, ileqquusutut illuliaanermigut illup sananeqaqqaarnera ataqqillugu suliaq (type 16), taamaakkaluartorli ersarissumik ilasaanera takuneqarsinnaalluni. Taanna assersuutissaqqissuuvoq piffissami illulortaatsimut naleqqummat.

Illup ilassutaa aamma sananeqaqqaarneranut tallissutitut ersippiangitsunngorlugu suliarineqarsinnaavoq, assersuutigalugu allaanerusunik atortulerluni suliaralugu. (fig 11 innersuussutigalugu). Illuliortaatsimi najoqqutassat toqqarneqartut qanorluunniit ikkaluarpata, pingaaruteqarpoq illutaata pingaarnerup sananeqaqqaarnermisut eriaginartutut isikkuata pingaarnerpaajunera allanngortinnagu isikkoqartinneqarnissaa. Tassa imaappoq illup ilaa taanna pingaarnerpaatut isigineqassaaq, ilassutigineqartorlu tassanga pingaarnerussanngilaq.



Fig 11: B-821 tallineqarsimavoq. Matumani ilassutaani sananeqaqqaarnera attatiinnarlugu, ersinngingajalluni, taamaallaallu qisuk qalliutaasoq allannguallaataalluni. Kisianni suli suna sananeqaqqaarnerani sunalu ilassutaanersoq takuneqarsinnaajuarpog.

Illut eriaginartut suliarinissaannut qinnuteqaatit qanoq suliarineqartarpat

Illut eriaginartut silataanni sumiiffinnilu eriaginartutut taaneqartuni inissisimasuni suliassaqartilluni tamatigut sanaartornermut akuersissummik qinnuteqaateqartoqartassaaq.

Illumi eriaginartumi sulisoqartillugu, kommune, Nuna Tamakkerlugu Pilersaarusiortarfik aammalu Nunatta Katersugaasivia Allagaateqarfialu suliassap aallartinginnerani tusarniaaffigineqaqqaassapput, taamaasilluni qulakkeerneqassammat eriaginartutut pitsaassutsit attatiinnarneqassammata.

Illumi suliat nalilersorneqartillugit, illut ataasiakkaat erseqqissumik illuliortaatsimut tunngasumik nalilersorneqassapput. Nalilersuinermi tamatumani illup ilusaa, immikkuullarissortai ilaalu ilanngullugit ilaatinneqartarput. Illup kulturimut tunngassutilimmi inissisimanerani eqqarsaatigineqarnerusussat tassaapput, illuliortaatsimut oqaluttuarisaanermilu nalinganut tunngasut.

Taamaattumik illumik eriaginartumik sulisoqassatillugu titartakkat qanga maannakkullu, aammalu suliassatut siunnersuutit, atortussat qalipaatisaalu ilanngunneqassapput.




Fig 12: Igalaanik taarsersuineq

Qupp. 221 Grønlandske Boliger: "Type 512 har tidligere været ligeså harmonisk som den bagved liggende type 513" & "Type 514 med plastvinduer med sprosser indlagt i termoruderne – fuldendt vandalisme af en offentlig bygning.

Illoqarfimmik nutarterineq

Kommunalbestyrelse illoqarfiup nutarterneqarnissaanut aningaasanik illikartitsisinnaavoq, tassunngalu illoqarfimmi illut eriagisat nutarterneqarnissaannut noqqaassuteqartoqartarsinnaalluni. Aningaasaliissutit kommunalbestyrelsimit aqunneqassapput suliatigut nalilersuineq aamma/imaluunniit Illoqarfimmi inerisaaviup innersuussuteqarnera tunngavigalugu. Suliassat aalajangersimasut tapiiffiqineqarsinnaasut makkuusinnaapput:

- Nukissiuutinik atuinnermut pitsanngorsaataasinnaasut.
- Klimaskærm; iluarsaassinerit, qalianik taarsiinerit nutarterinerilluunniit, silataani iikkat, igalaat, matut isaarissallu, aniinganerit toqqaviillu.
- Illut namminneq perusuersartarfeqanngitsut perusuersarfiliorderi uffarfiliorderilu.

Suliassat qulaani taaneqartut tamarmik suliarineqassappata illup eriaginartutut naleqassusianik qulakkeerinninnissaat imaluunniit qaffassaataanissaat piumasaqaataavoq.

1.5 PILERSAARUMMUT ALLAMUT SANILLIULLUGU INISSISIMANERA

1.5.1 Nuna tamakkerlugu pilersaarusiorneq

Pilersaarusiordermut tapiliussa q nuna tamakkerlugu pilersaarusiordermut, pingaartumillu immikkut ittumik Kommunekkuutaartumik pilersaarusiordermi allanngutsaaliuisussaaneq nakkutiginnittussaaneq pillugu

Namminersornerullutik Oqartussat nalunaarutaat nr. 31, 30.oktober 1991-imeersumut naapertuuppoq.

1.5.1 Kommunimut pilersaarut

Kommunimut pilersaarummi Sermersooq 2028 aalajangersarneqarpoq "Illup ilusaa, immikkuualuttortai il.il. eqqarsaatigalugit illu allanngortinneqarsinnaanersoq illussanik titartaasartut nalilertussaavaat. Taamaattumik illup inissisimaffia, titartarneqarnera oqaluttuarisaanikkullu naleqassusia pingaarnertut eqqarsaatigineqartarput. Taamaattumik nalunaarut nr. 31,30. oktobari 1991-imeersoq naapertorlugu illut tamarmik silataannik allanngortiteraluni sanaartornissamut akuersissummik qinnuteqaateqartoqassaaq.

1.5.2 Qanganitsat eriagisassat imaaliallaannarlugit peerneqarsinnaangitsut

Allanngutsaaliuineq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq naapertorlugu aningaasaliisoqarpoq.

1.6 PILERSAARUMMUT TAPILIUSSAP INATSISINUT TUNNGASORTAI

Inatsisitigut sunniutaagallartut

Kommunimut pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik. (Pilersaarusiornermut inatsimmi § 31)

Akerliliissuteqarnissamut piffissarititaasoq qaangiuppat aamma akerliussutinik takkuttoqarsimangippat Kommunalbestyrelsip nunaminertap siunnersuummut ilaatinneqartup atorneqarnissaa sanaartorfigineqarnissaalu akuerisinnaavaa, atuneq sanaartornerluunniit siunnersuummut naapertuuppata (Pilersaarusiornermut inatsimmi § 31, imm. 2).

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atuukkallassapput - sivisunerpaamillu siunnersuutip saqqummiunneqarneraniit ukiumi ataatsimi. (Pilersaarusiornermut inatsimmi § 31, imm. 3).

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (Pilersaarusiornermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpog. Nikingasoornert pingaarnert aamma aalajangersakkanit pingaarnert nikingasoornert pissutigalugit nutaamik kommunimut pilersaarummut tapiliortoqassaaq. (Pilersaaruiornermut inatsimmi § 50).

2 AALAJANGERSAKKAT

Matumuuna Pilersarusiortarnek nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersarusiornek pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 IMMikkoortup ilaanut 1A3-mut AALAJANGERSAKKAT Inissiaqarfik Jens Kreutzmannip Aqqutaa aamma Saqqarliit

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
B-4, B-12, B-28, B-145, B-184 aamma B-248 tassaapput illut eriaginartut. Illut taakkua isaterneqassanngillat allatulluunniit silataasigut kommunalbestyrelsi akuersiteqqaarnagu allanngortinneqassanatik. "Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput.	B-4, B-12, B-28, B-145, B-184 aamma B-248 tassaapput illut eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. "Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput. Tamatumunnga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.

2.2 IMMikkoortup ilaanut AALAJANGERSAKKAT 1A6-imut inissiaqarfik Avannarliit aamma Gertrud Rasksvej

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
B-149, B-843, B-841, B-979, B-292 aamma B-978 tassaapput illut eriaginartut. Illut taakku	B-149, B-843, B-841, B-292 aamma B-978 tassaapput illut eriaginartut. Illut taakku

<p>kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. (Illoqarfeqarfik eriagisariaqartutut toqqarneqarsimavoq (§3 malillugu sumiiffik). (Immikkoortup ilaani Aqqaluup Aneerasaartarfiata eqqaani taseq eriagisariaqartutut toqqarneqarsimavoq (§2 malillugu sumiiffik). ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput.</p>	<p>kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. (Illoqarfeqarfik eriagisariaqartutut toqqarneqarsimavoq (§3 malillugu sumiiffik). (Immikkoortup ilaani Aqqaluup Aneerasaartarfiata eqqaani taseq eriagisariaqartutut toqqarneqarsimavoq (§2 malillugu sumiiffik). ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput.</p> <p>Tamatumunnga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.</p>
---	---

2.3 IMMIKKOORTUP ILAANUT AALAJANGERSAKKAT 1A7 Inissiaqarfik Naalakkap Qaqqaa

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
<p>B-141, B-146, B-156, B-804, B-812 aamma B-817 tassaapput illut eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Illoqarfiup kitaa tungaa eriagisariaqartutut toqqarneqarsimavoq (§3 malillugu sumiiffik). ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput.</p>	<p>B-141, B-146, B-156, B-804, B-812 aamma B-817 tassaapput illut eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Illoqarfiup kitaa tungaa eriagisariaqartutut toqqarneqarsimavoq (§3 malillugu sumiiffik). ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilnut uninngasarfissat itigartitsissutigineqarsinnaapput.</p> <p>Tamatumunnga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.</p>

2.4 IMMikkoortup ilaanut AALAJANGERSAKKAT 1A11 Inissiaqarfik Quassunnguaq

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
<p>B-88, B-203, B-204, B-205, B-206, B-207, B-208, B-209, B-211, B-213, B-214, B-215, B-216, B-217, B-218, B-219, B-221, B-220 aamma B-222 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilinet uninngasarfissat itigartitsissutigineqarsinnaapput.</p> <p>B-1329 C.P. Jansensvejimik talliliinermi isaterneqarsinnaavoq.</p>	<p>B-88, B-203, B-204, B-205, B-206, B-207, B-208, B-209, B-211, B-213, B-214, B-215, B-216, B-217, B-218, B-219, B-221, B-220 aamma B-222 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. ”Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilinet uninngasarfissat itigartitsissutigineqarsinnaapput.</p> <p>B-1329 C.P. Jansensvejimik talliliinermi isaterneqarsinnaavoq.</p> <p>Immikkoortup ilaa A eriaginartut toqqarneqarpoq (§ 3).</p> <p>Tamatununga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.</p>

2.5 IMMikkoortup ilaanut AALAJANGERSAKKAT 1C12 Aqutsisoqarfik

IMMIKKOORTUNUT AALAJANGERSAKKAT PIOREERSUT	IMMIKKOORTUT ILAANNUT AALAJANGERSAKKAT NUTAAT
Eriaginartunut tunngasut	
<p>B-31 aamma B-2 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Immikkoortup ilaa immikkut eriaginartut toqqarneqarsimavoq (§2 malillugu sumiiffik).</p> <p>Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.</p>	<p>B-2 tassaavoq eriaginartut. Illu isaterneqassanngilaq allatulluunniit silataatigut allanngortinneqassanngilaq kommunalbestyrelse akuersiteqqaartinnagu. Immikkoortup ilaa immikkut eriaginartut toqqarneqarsimavoq (§2 malillugu sumiiffik).</p> <p>Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.</p>

	Tamatumunnga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.
--	--

2.6 IMMikkoortup ilaanut AALAJANGERSAKKAT 1C14 Nuutoqaq

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
<p>B-48, B-398, B-515, B-514, B-34, B-58, B-2370, B-32, B-75, B-53, B-81, B-29, B-70, B-1859, B-1860 aamma B-66 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Immikkoortup ilaa immikkut eriagisariaqartut toqqarneqarsimavoq (§2 malillugu sumiiffik). Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.</p>	<p>B-48, B-398, B-515, B-514, B-34, B-58, B-2370, B-32, B-75, B-53, B-81, B-29, B-70, B-1859, B-1860 aamma B-66 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Immikkoortup ilaa immikkut eriagisariaqartut toqqarneqarsimavoq (§2 malillugu sumiiffik). Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.</p> <p>Tamatumunnga illumik eriaginartunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.</p>

2.7 IMMikkoortup ilaanut AALAJANGERSAKKAT 1C15 Seminariaqarfik

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginartunut tunngasut	
<p>B-131, B-132, B-148 aamma B151 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Ingerlatsineq unitsinneqarpat B-1280 (ajutoornermi innaallagissiorfik) isaterneqassaaq.</p>	<p>B-131, B-132, B-148 aamma B151 tassaapput eriaginartut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Ingerlatsineq unitsinneqarpat B-1280 (ajutoornermi innaallagissiorfik) isaterneqassaaq.</p>

	Tamatumunnga illumik eriaginantunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.
--	--

2.8 IMMikkoortup ilaanut AALAJANGERSAKKAT 1D2 Aqqaluup Aneerasaartarfia

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginantunut tunngasut	
B-10, B-136, B-140 aamma B-245 tassaapput eriaginantut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Immikkoortup ilaa immikkut eriaginantutut toqqarneqarsimavoq (§2 malillugu sumiiffik). Sumiiffimmut pisulluni aqquteqalernissaa qularnaarneqassaaq.	B-10, B-136, B-140 aamma B-245 tassaapput eriaginantut. Illut taakku kommunalbestyrelse akuersiteqqaarnagu isaterneqassanngillat imaluunniit allatut silataasigut allanngortinneqassanngillat. Immikkoortup ilaa immikkut eriaginantutut toqqarneqarsimavoq (§2 malillugu sumiiffik). Sumiiffimmut pisulluni aqquteqalernissaa qularnaarneqassaaq. Tamatumunnga illumik eriaginantunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.

2.9 IMMikkoortup ilaanut AALAJANGERSAKKAT 1D3 Nuuk Sydkyst aamma Saqqarliit

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Eriaginantunut tunngasut	
Immikkoortup ilaa immikkut eriagisariaqartutut toqqarneqarsimavoq (§2 malillugu sumiiffik).	Immikkoortup ilaa immikkut eriagisariaqartutut toqqarneqarsimavoq (§2 malillugu sumiiffik). Tamatumunnga illumik eriaginantunik piginnittut ataasiakkaat Illoqarfiup assinga Nuuk-mut innersuunneqarput, eriagisaanerinillu attassiinnarnissaq qulakkiissallugu.

3 AKUERSINERMUT UPPERNARSAAT

Kommunimut pilersaarummut tapiliussassaq una matumuuna Kommuneqarfik Sermersuumi
Aningaasaqarnermut Inuusutissarsiornermullu Ataatsimiititamit akuersissutigineqarpoq ulloq
14.08.2018

Kommuneqarfik Sermersooq ulloq 23/8-2018



Asii Chemnitz Narup
Borgmesteri



Lars Møller Sørensen
Kommunaldirektøri

Ulloq 29.08.2018 siunnersuutitut tamanut saqqummiunneqarpoq